

吳

詩

集

覽

吳詩集覽卷三上

黎城靳榮藩介人輯

五言古詩三之上

清涼山讚佛詩

天清一統志五臺山在代州五臺縣東北一百二十里道經以

爲紫府山內典以爲清涼山張如哉曰白樂天云願以今生世俗文字之因轉爲來世讚佛乘

轉法輪之緣

西北有高山云是文殊臺臺上明月池千葉金蓮開花

花相映發葉葉同根栽

四首詠史起六句自清涼山說起王母以下言如之承寵從

獵以下言如之侍讌而樂極生哀若預爲之識者淖博士東方生十句則以內外侍從之人作襯也此段從

佛起下段忽接入仙若相蒙若不相蒙極烟雲離合之奇○古詩西北有高樓山西通志五臺山環五百餘里上有五峯巔霄積土象臺文殊師利現光地一統志東臺西南有明月池千葉蓮見贈蒼雪注一統志南臺高三十里頂周二里金蓮日菊佛鉢花燦發如錦古詩枝枝相覆蓋葉葉相交通杜詩山花相映發曹詩王母攜雙成綠蓋雲中來漢王坐法宮本是同根生

一見光徘徊結以同心合授以九子釵翠裝雕玉輦丹

髻沉香齋護置琉璃屏立在文石階長恐乘風去舍我

歸蓬萊

此段是定情後恩寵之盛然乘風舍我已有讖意○漢武內傳聞雲中簫歌之聲人馬之響半

食頃王母來也

又命侍女董雙成吹雲和之笙季長

吉詩綠葢獨穿香徑歸

季義山詩坐法宮中朝四夷

後漢書南匈奴傳昭君豐容靚飾光明漢宮顧景裴

同竦動左右帝見大驚

飛燕外傳婕妤上好二十六

物有同心大結

又后持昭儀手抽紫玉九雛釵爲昭

儀簪髻

張道濟詩芳園翠輦遊張見蹟詩禁苑迴雕

輦沈初明詩

王輦迎飛燕左傳宣二年丹漆若何漢

書趙皇后傳殿上髹漆注以漆漆物謂之髹玉篇髹同

髹太真外傳禁中重木芍藥上移植於沉香亭前西

京雜記趙飛燕爲皇后其女弟上琉璃屏風漢書梅

福傳故願一登文石之陛又外戚傳趙皇后弟絕幸爲

昭儀居昭陽舍旨黃金塗白玉階洞冥記帝常以衣

帶縛麗娟之袂閉於重幕之中恐隨風而去也拾遺記

每輕風時至飛燕殆欲隨風入水帝以翠纓結飛燕之

裙按長恐乘風去暗用此二事國語衛武公

曰無謂我老耄而舍我山海經蓬萊山在海中從獵在

上林小隊城南隈雪鷹異凡羽果馬殊羣材言過樂游

苑進及長楊街張宴奏絲桐新月穿宮槐此段言其樂

傳趙昭儀方大幸每上甘泉常法從在屬車間豹尾中

司馬相如傳獨不聞天子之上林乎一統志上林苑在

長安縣西及盤屋郭縣界杜詩元戎小隊出郊坰柳

文暢詩城南斷車騎駱賓王詩三條九陌麗城隈指

佑民詞雪鷹騰擊認鷗過漢書霍光傳注漢廐有果

下馬高三尺以駕輦師古曰小馬可於果樹下乘之故

曰果下馬管子賞彼羣幹聚彼羣材漢書宣帝紀神

爵三年起樂遊苑一統志樂遊苑在西安府咸寧縣南

三輔黃圖長楊宮在盤屋縣東南三十里陳衆仲

瓊茅賦鸞旂罷獵張宴廣漢王少伯詩歌詠頌絲桐

江總持詩新月半輪空裴迪攜手忽太息樂極生微哀

詩門前宮槐陌是向敬湖道

千秋終寂寞此日誰追陪陛下壽萬年妾命如塵埃願

共南山柳長奉西宮杯此段是樂極語然倚伏之理正

見西田詩太息見下相懷古禮樂不可極魏文帝善

哉行樂極哀情來杜詩千秋萬歲名寂寞身後事

韓詩上界真人足官府豈如散仙鞭笞鸞鳳終日相追

陪宋書樂志羣臣咸稱萬歲陛下長樂壽年莊子

塵埃也

按史記以北山石爲櫛文帝因慎夫人鼓瑟

顧羣臣語也而此云南山櫛者蓋合張釋之傳雖錮南

山雖無石櫛句而用之也

披香淖博士側聽私驚猜今

王少伯有西宮秋怨詩

日樂方樂斯語胡爲哉待詔東方生執戟前詠諧薰鑪

拂黼帳白露零蒼苔吾王慎玉體對酒毋傷懷

此作兩層襯托

淖博士贊御之人東方生侍衛之臣胡爲哉是猜毋傷

懷是諧也○三輔黃圖武帝時後宮八區中有披香殿

飛燕外傳宣帝時披香博士淖方成白髮教授宮中號

淖夫人史記張丞相傳呂后側耳於東廂聽李義山

詩鼠翻窗網小驚猜舌豔歌今日樂相樂詩胡爲

乎中露漢書東方朔傳朔初來上書上偉之令待詔

公車久之使待詔金馬門又位不過執戟又贊日朔

之詠諧逢占射覆其事浮淺梁簡文帝詩薰爐滅更

香司馬長卿美人賦黼帳高張詩白露未晞李正己

詩重露濕蒼苔曹詩王其愛玉體曹孟德樂府對

酒當歌史記高祖紀

乃起舞慷慨傷懷

按元裕之有詠五臺山金蓮花詩花色黃似蓮而小莖有數葉非蓮花也然金蓮花無千葉者羣芳譜華山頂有池產千葉蓮花服之羽化又云金池方數十里水石泥沙皆如金色其中有四足魚金蓮花又引王歆之神鏡記曰九疑山有清淵澗中有黃色蓮梅村此詩蓋攢簇用之耳

其二

傷懷驚涼風深宮鳴蟋蟀嚴霜被瓊樹芙蓉凋素質可

憐千里草萎落無顏色

此首是悼妃之薨涼風蟋蟀紀其時千里草

句相應○月仝涼風至

詩十月蟋蟀入我牀下古

詩嚴霜結庭蘆謝惠連雪賦林挺瓊樹說文芙之言敷也蓉之言動容也張茂先詩終負素質後漢書五行志千里草爲董晉書五行志五六日而萎落白詩

六宮粉黛
無顏色

孔雀蒲桃錦親自紅女織殊方初云獻知破

萬家室瑟瑟大秦珠珊瑚高八尺割之施精藍千佛莊

嚴飾持來付一炬泉路誰能識紅顏尚焦土百萬無容

惜此段言冥器之盛○鄴中記錦有蒲桃文錦又有鳳

利平鳳朱雀錦韜文錦漢書董仲舒傳又奪園夫紅女

室見讀鄭世子傳注班孟堅西都賦殊方異類至於三萬里萬家

藉于道博雅瑟瑟碧珠也魏書楊妃傳瑟瑟璣珩

古樂府耳後大秦珠西京雜記漢宮積草池中有珊瑚

瑚高一丈二尺楞嚴經退歸精舍祇見伽藍王會之

詩精藍被寵靈蘇詩未能轉千佛且從千佛轉唐書
藝文志大莊嚴論文疏三十卷杜牧之阿房宮賦楚
人一炬泉路見哭志衍千建七啟紅顏宜笑阿房
宮賦可憐焦土魏書高允傳國家小臣助長號賜衣
營塋費捐巨億一旦焚之以爲灰燼

或一襲只愁許史輩急淚難時得從官進哀誄黃紙抄

名人流涕盧郎才咨嗟謝生筆尚方列珍膳天厨供玉

粒官家未解菜對案不能食

此段言哀誄之盛○更記外戚世家侍御左右皆伏

地泣助皇后悲哀唐書柳宗元傳每遇寒食則北向長

號漢書叔孫通傳乃賜通帛二十疋衣一襲注一襲

上下皆具也今人呼爲一副又蓋寬饒傳注許伯宣

帝皇后父史高宣帝外家也宋書劉懷慎傳上寵姬

殷貴妃薨令醫術人羊志哭志亦鳴咽他日有問志卿

那得此副急淚史記武帝紀從官在山下晉書潘岳

傳尤善爲哀誄之文白詩黃紙除名無我名魏書北

海王詳傳密抄名字北史盧思道傳文宣帝崩當朝

文士各作挽歌十首擇其善者而用之惟思道獨有八

篇故時人稱爲入采盧郎按詩借用南史宋殷淑儀

傳及薨謝莊作哀策文奏之通典秦置尚方令漢末

分尚方爲中左右三尚方後漢書百官志少府卿一人

中二千石掌中服御諸物衣服寶貨珍膳之屬

晉書

天文志天厨王盛饌杜詩碧酒隨玉粒

獨斷天子稱

天家又曰官家南史齊東昏侯紀潘如生女百日而亡

蔬膳積旬不聽音伎左右直長闍監王寶孫諸人共營

肴羞云爲天子釋菜

■對案句見臨江叅軍 黑衣召誌公白馬馱羅什焚香

內道場廣坐楞伽譯資彼象教恩輕我人王力微聞金

鷄詔亦由玉妃出

此段讚佛尙未指定清凉山說○通鑑宋文帝以惠琳道人善談論因與

議朝廷大事遂參權要賓客輻輳會稽孔覲嘗詣之慨

然曰遂有黑衣宰相可謂冠履失所矣南史隱逸傳沙

門釋寶誌者不知何許人俗呼爲誌公洛陽迦藍記

明帝夢金人遣使向西域求得金像時以白馬馱經而

來以名寺晉書藝術傳鳩摩羅什天竺人也從師受經

日誦千偈北史王邵傳邵撰皇隋靈感誌上令宣示

天下洗手焚香閉目讀之唐書王綰傳禁中祀佛諷與

齋薰號內道場廣坐見臨江叅軍洛陽迦藍記天竺

國胡沙門菩提流支解佛義知名西土諸夷號爲羅漢
曉魏言隸書翻十地楞伽及諸經論三十二部王簡

栖頭陀寺碑正法既沒象教陵夷注象教言爲形像以

教人也北史尉景傳人相扶爲王釋氏通鑑燕王問

趙州人王尊法王尊唐書百官志中尚書令赦日樹

金雞于仗南竿長七尺有雞高四尺黃金飾首銜絳旛

長七尺承以綵盤維以絳繩張如哉高原營寢廟近

日靈寶赤符經太真命筆玉如拂筵

野開陵邑南望倉舒墳集作掩面添悽惻戒言秣我馬

遨遊凌八極此段言陵寢之盛末句微逗出清涼山

見遇劉雪舫注班孟堅西都賦三選七遷充奉陵邑

三國志魏鄧哀王冲傳字倉舒年十三建安十三年

疾病及亡哀甚掩面悽惻見臨江叅軍儀禮士冠

禮主人戒賓注告也詩言秣其馬又以教以遊曹孟

德詩遊

遊八極

其三

八極何茫茫曰往清涼山此山蓄靈異浩氣共屈盤能

蓄太古雪一洗天地顏日馭有不到縹緲風雲寒此首歸入

清涼山可抵長恨歌忽聞海外有三山以下半篇矣八

句從清涼山說起○舌詩四顧何茫茫何仲言詩此

山多靈異曾子固與韓侍中啟養浩氣之至和左太

冲吳都賦洪桃屈盤杜詩山有太古雪華嚴經疏清

涼山者歲積堅冰夏仍飛雪一洗見讀鄭世子傳

隋書音樂志騰日馭鼓電鞭木元虛海賦羣仙縹緲

清涯殽玉世尊昔示現說法同阿難講樹聳千尺搖落青琅

玕諸天過峯頭絳節乘銀鸞一笑偶下謫脫却芙蓉冠

游戲登瓊樓窈窕垂雲鬢三世俄去來任作優曇看二十

句讚佛引入某妃飄飄有仙氣○十六國春秋後趙錄
佛號世尊佛自稱曰天人師又曰世尊史照通鑑注相
傳以爲文殊示現之地淨任子佛爲衆生說法翻譯
名義阿難秦言歡喜佛成道時斛飯王使來白淨飯王
言貴弟生男王心歡喜字爲阿難涅槃經世尊在槃
樹間演法楚辭草木搖落而變衰張平子詩美人贈
我青琅玕佛書自欲界以上皆曰諸天狂詩上帝
高居絳節朝李長吉詩銀鸞蹀光踏半臂賈愁集續
窈聞記寒簧偶以書生狂言不覺心動失笑實則旣示
現後卽已深悔斷不願謫人間行鄙褻事然上界已切
責其一笑故來因復自悔故來而不與合也謝靈運
詩脫冠謝朝列神仙服食經漢武帝閒居未央殿有人
乘白雲車駕白鹿冠芙蓉冠曰我中山衛叔卿也太
平廣記漢武帝時七月七日王母至上殿指東方朔曰
此子昔爲太上仙官但務遊戲太上斥謫使在人間捨
遺記翟乾佑與十許人玩月或問月中何所有乾佑曰
隨我手中看之月規半圓瓊樓玉宇滿焉朱子詩傳
窈窕幽閒之意梁章隱咏素馨花詩細花穿弱縷盤向

緣雲鬢 洛陽伽藍記 北魏時有沙門竇公形貌醜陋
心識通達過去未來預觀三世 法華經世尊甚難值
如優曇鉢華三千年 一現現則金輪王出 名山初望幸銜命釋道安預從最

高頂灑掃七佛壇靈境乃杳絕捫葛勞躋攀路盡逢一

峯傑閣圍朱闌中坐一天人吐氣如梅檀寄語漢皇帝

何苦留人間烟嵐倏滅沒流水空潺湲 十四句寫得是

入迷離莫辨○漢書郊祀志名山神祠所以望幸矣
禮衛君命而使晉書習鑿齒傳時有桑門釋道安俊辯
有高才曰彌天釋道安石林詩話始晉初爲佛學者皆
從其師姓如支遁本姓關從支謙學故爲支道安以佛
學皆本釋迦爲師請以釋命氏遂爲定制則釋道安亦
非姓也居易錄沙門自魏晉以來依師爲姓道安尊釋
迦乃以釋爲氏 杜詩東山高頂羅珍羞 隋書經籍
志自此天地以前則有無量劫矣每劫必有諸佛得道

豈隔濶遠復與凡境杳絕與孔史扶猛傳乃梯山捫

葛備歷艱阻杜詩緩步有躋攀淵明桃花源記林盡

水源便得一山王少伯詩遠勢一峯出朱子詩于峯

環傑閣元詩取次朱闌一片紅鍾仲偉詩品劉孝綽

諸妹有天人之目惠遠詩崇巖吐清氣楞嚴經佛告

阿難汝嗅此梅檀然于一銖四十里內同時聞氣梁

武帝樂府寄語故情人按前日漢主此云漢皇帝後云

漢皇皆本長恨歌漢皇重色思傾國也長恨歌傳因

言太上皇亦不久人間幸惟自安無自苦耳

賈闓仙詩烟嵐沒遠村楚籬觀流水兮潺湲回首長

安城縉素慘不歡房星竟未動天降白玉棺惜哉善財

洞未得誇迎鑾惟有大道心與石永不刊以此護金輪

法海無波瀾十句承上段說完○王仲宣詩回首望長

安 梁元帝旻法師碑縉素結轍華戎延

道杜詩徒旅慘不悅晉書天文志房四星爲明堂天子布政之宮也房星明則王者明後漢書王喬傳後天下玉棺於堂前吏人推排終不搖動喬曰天帝獨召我耶乃沐浴服飾寢其中蓋便立覆宿昔葬於城東土自成墳魏文帝詩惜哉時不遇甬東游記善財洞嶠石齧足寰宇記建安軍僞吳順義二年改爲迎鑾鎮是揚州大江入京口之岸東至大江一里五代史周世宗紀顯德五年三月如泰州復如揚州幸迎鑾後漢書竇憲傳封山刊石晉書禮志置不刊之法首楞嚴經彼金寶者明覺立堅故有金輪保持國土梁簡文帝旻法師疏序法海波瀾汎之者未易

其四

嘗聞穆天子六飛騁萬里仙人觴瑤池白雲出杯底遠
駕求長生逐日過濛汜盛姬病不救揮鞭哭弱水前三首傷

懷八極起訖蟬聯此首特另提起按蟬聯句法起于子
建贈白馬王彪自第三首以下用元黃脚躡太息心悲
苦辛字相爲環合而第一首第二首已自不拘蓋曹祗
偶然爲之詩之工拙不闕此也此首言自古帝王未
能忘情而歸之于讚佛也首段言穆王遠遊遇仙而尙
有盛姬之哭○竹書記年穆王十七年西征崑崙邱見
西王母漢書袁盎傳今陛下騁六飛列子穆王升
崑崙之邱遂賓于西王母觴于瑤池之上乃觀日之所
入日行萬里張道濟詩願似金堤青草色長承瑤水
白雲杯文中子長羅遠駕長生見西田詩李巨山
詩蒼龍遙逐日張平子西京賦日月于是乎出入象扶
桑與蒙汜穆天子傳天子遊於河濟盛君獻女天子
西征至元池之上乃奏樂三日盛姬亡天子殯姬於穀
邱之廟塋于樂池之南楊煥山陵雜記盛姬謚曰哀淑
人蔡伯喈橋太尉碑揮鞭而定易林弱水之西有西
王母生不知老與天相保一統志崑崙山在肅州西南
弱水源出甘州府山丹縣漢皇好神仙妻子思脫屣東
西南入肅州高臺縣界

巡并西幸離宮宿羅綺寵奪長門陳恩盛傾城李穠華

卽修夜痛入哀蟬誅苦無不死方得令昭陽起晚抱甘

泉病遽下輪臺悔蕭蕭茂陵樹殘碑泣風雨此段言漢武求仙雖

有脫屣妻子之語而生則極其寵幸沒則極其哀誅至

終身而後已總見忘情之難也○漢書揚雄傳往時武

帝好神仙史記孝武紀天子曰吾誠得如黃帝吾視

去妻子如脫躡耳廣韻屣與躡同漢書郊祀志上遂

東巡海上自封泰山後十三歲而周徧于五嶽四瀆矣

離宮見遇南廂園叟張平子西京賦似不任乎羅綺

史記外戚世家陳皇后挾婦人媚道其事頗覺于是廢陳皇后司馬長卿長門賦序陳皇后時得幸頗妬別在長門宮漢書外戚傳孝武李夫人本以倡進夫人兄延年性知音善歌舞侍上起舞歌曰北方有佳人絕世而獨立一顧傾人城再顧傾人國詩何彼穠矣華如桃李阮詩清風肅肅修夜漫漫拾遺記漢武帝思

李夫人不可復得時穿昆靈之池泛翔禽之舟帝自造

歌曲使女伶歌之因賦落葉哀蟬曲〔史記封禪書不

死之藥可得〔三輔黃圖武帝後宮八區有昭陽殿

〔史記孝武紀遂幸甘泉病良已〕漢書西域傳征和中

下詔深陳旣往之悔曰今請遠田輪臺欲起亭隧是擾

勞天下非所以優民也今朕不忍聞〔一統志〕輪臺城在

土魯番〔史記〕武帝塋茂陵〔李義山詩〕茂陵天地有此

松栢雨蕭蕭〔高季廸詩〕風雨斷蘇理殘碑

山蒼崖闕與毀我佛施津梁層臺簇蓮蘂龍象居虛空

下界聞鬪蟻乘時方救物生民難其已澹泊心無爲怡

神在玉几長以兢業心了彼清淨理此段從清涼山說

到佛似以佛法爲

諷諫者〔晉書〕羊祜傳自有宇宙便有此山蒼崖見

贈願雲師興毀見又咏古〔世說〕庾公嘗見卧佛曰此

子疲于津梁〔杜詩〕吾知多羅樹却倚蓮花臺〔維摩

詰經〕菩薩勢力譬如龍象蹴踏非驢所堪下界見贈

願雲師張如哉曰北史東西魏交兵每有黃黑蟻陣時東魏黃衣西魏黑衣孟東野詩鬪蟻甚微細時二句卽民之生久矣子不得已也之意淮南子非澹泊無以明德老子我無爲而物自化隋書柳或傳以怡神爲意西京雜記天子玉几冬則加錦其上謂之梯几書兢兢業業邱爲詩頗得清淨理羊車

稀復幸牛山竊所鄙縱灑蒼梧淚莫賣西陵屨持此禮

覺王賢聖總一軌道參無生妙功謝有爲耻色空兩不

住收拾宗風裏

此段足第三段之義○晉書胡貴嬪傳武帝多內寵莫知所適常乘羊車恣其

所之宮人乃取竹葉挿戶以鹽汁灑地而引帝車南史潘淑如傳帝好乘羊車經諸房淑如密令左右以鹹水

灑地帝每至戶羊輒舐地不去韓詩外傳齊景公遊于牛山之上而北望齊曰使古而無死者則寡人將去

此而何之俯而泣沾襟禮舜葬于蒼梧之野蓋三如未之從也博物志舜之二妃以涕揮竹竹盡斑魏武

遺令汝等時時登銅雀臺望吾西陵又云餘香可分與諸夫人諸舍中無所爲學作履組賣也佛地論佛者覺也覺一切種智復能開覺有情如睡夢覺故名爲佛圖覺經佛爲萬法之王聶坦之詩貴賤與賢愚古今同一軌傳燈錄大家團圍頭共說無生話莊子上必無爲而用天下下必有爲爲天下用般若密羅多心經色不異空空不異色色卽是空空卽是色沈休文千佛頌不常不住非今非曩後漢書光武紀不能收拾者傳燈錄風穴延沼禪師有盧陂長老問曰師唱誰家曲宗風嗣阿誰潘皆山曰韓門綴學禪門宗乘以菩提達摩爲初祖二祖曰慧可三祖曰僧燦四祖曰道性五祖曰宏忍五祖而下乃分南北南曰大鑑惠能北曰大通神秀皆稱六祖南能北秀南稱宗而北稱教而宗門則有五宗

石公山

百二十里可盤灣南二里山根有石形如

老翁獨立水中又鎮江府丹徒縣東北八里亦有石公山非此詩所詠也蘇州府志林屋洞之

外一峯斗八湖中爲石公山相傳花石綱之役
朱勳伐石於此山前二石對峙水中謂之石公

石姥

真宰斲雲根奇物思所置養之以天池益益插靈異初
爲仙家園百仞千倉閉釜鬲炊雲中杵白鳴天際忽而
遇巖城猿獠不能縫遠窺樓櫓堅逼視戈矛利一闕當
其中飛鳥爲之避仰睇微有光投足疑無地循級登層
巔天風豁蒼翠疲喘千犀牛落落誰能制僂僂一老人
獨立拊其背旣若拱而揖又疑隱而睡此乃爲石公三
問不吾對

此紀遊之作起四句虛引初爲仙家園四句
就石字形容其高忽而遇巖城六句狀山之

險峻仰睇微有光六句狀山之孤聳未投六句點明石

公作結○老子有真宰足以制萬物魏書裴行傳栖素

雲根史記司馬相如傳奇物譎詭莊子南溟者天

池也三國志管輅傳注其才若盆盎之水靈異見讚

佛詩晉書劉麟之傳嘗採藥至衡山深入忘反見有

一澗水水南有二石困一困閉一困開水深廣不得過

欲還失道或說困中皆仙靈方藥諸雜物麟之欲更尋

索終不復知處也史記李斯傳太山之高百仞詩乃

求干斯倉蘇詩况有松風聲釜鬲鳴飈飈楚辭有雲

中君篇名易杵白之利萬民以濟楚辭九天之際安

故安屬杜詩嚴城疊鼓鼙猿猱見閩州行左傳億

三十年夜繼而出北史王思政傳修城郭起樓櫓

元史地理志沮洳散渙弗可逼視詩修我戈矛唐書李

老傳天下城壘堅戈鋌利一闕句從李詩一夫當關

化出馬文淵武溪深行鳥飛不度張子壽詩鳥避仙

舟發淵明閒情賦仰睇天路又桃花源記彷彿若有

光張茂先鶴賦投足而安史記司馬相如傳下崢

嶻而無地兮玉篇級階也李詩栗深林兮驚層巖

古詩桑枯知天風謝元暉詩蒼翠望寒山漢書丙吉

傳逢人逐牛牛喘吐舌又平帝紀黃支國貢犀牛後

漢書耿弇傳常以為落落難合列子用志不分乃凝

于神其病僕丈人之謂乎漢書揚雄傳參天地而獨

立兮史記吳王濞傳因拊其背陸士衡辨亡論拱揖

羣后賈耳集華山陳真人隱于睡史記范雎傳所

以王三問而不對者也

汪鈍菴游石公山詩嘗聞石公山名稱習已熟茲游

下筍輿緩步向前麓山色圍暖翠湖光漾晴綠葛花

惹衣袂橋刺凝巾幅所遇石漸奇一一煩記錄或如

城堞連或如屏幃曲或平若几案或方若碁局虛或

生天風澗或聚雲族或為猿猴蹲或作羊虎伏或如

兒孫拱或如賓主肅或深若永巷或遠若重屋色或

雜青蒼紋或蹙羅縠纍纍高復下離離斷還屬曠或

可振衣仄或危容足既疑雷斧劈又似鬼工築不然

湖中龍蛻骨堆深谷天公美狡獪專用悅人目芳草

絡根淺孤松施頂禿欹崑上麗鼠嵌空懸蝙蝠玩之

漸忘返苦被同游促平生解愛石拜揖每旬旬急
欲買茲山誅茅架椽竹爲謀吾已決不假龜策卜

歸雲洞

按蘇州府志列歸雲洞于
林屋洞之下蓋亦在包山

歸雲何孱顏雕斲自太古千松互盤結托根無一土呀
然丹崖開蒼茫百靈斧萬載長欹危撐拄良亦苦古佛
自爲相一身雜仰俯依稀莓苔中葉葉青蓮吐若以度

真詮足號藏書府仙翁刺船來坐擘麒麟脯鐵笛起中
流進酒虬龍舞晚向洞中眠吒石開百武牀几與棋局
一一陳廊廡翩然自茲去黃鵠瀟湘浦恐使吾徒窺還

將白雲補

起八句寫洞外樹石之奇古佛六句寫洞中
佛像之盛仙翁句以下見其爲仙靈窟宅而

末句又點染雲字也○司馬長卿大人賦放散畔岸

以屏顏索隱曰馬仰頭其口開正屏顏也北史周武

帝紀雕斲之物並賜貧人漢書東都賦注太古遠古也

馬季長圍棋賦期相盤結晉書王濬傳靈基託根

於南垂玉篇呀大空貌晉書宋纖傳丹厓千丈青壁

萬尋杜詩獨立蒼茫自咏詩漢書東都賦注百靈百

神也杜詩行步欹危寔怕春宋史陳襄傳數輩相

撐拄朱子詩念公亦良苦本行經淨飯王召何私陀

仙相太子其仙悲啼哽咽王問故仙曰太子具三十二

相八十種好非是轉輪聖王決定出家成佛蘇詩萬

世一仰俯莓苔見遇劉雪舫葉葉青蓮吐見贈蒼

雪杜詩衣褐向真詮穆天子傳羣玉山先王之所

謂冊府也藏書出史記老子傳刺船見塗松晚發

神仙傳王方平住胥門蔡經家召麻姑至擘脯而食之

云麟脯鐵笛見避亂史記吳起傳中流顧謂吳起

古樂府有將進酒理雅有角曰虬龍陶商翁詩遊遍

真仙洞府中按字典以吒爲叱之稍徐神仙傳黃初

平牧羊有道士將至金華山石室中四十餘年其兄初

起行山尋索相見問羊何在曰近在山東初起往視但見白石而還初平與初起俱往看之初平乃叱曰羊起於是白石皆變爲羊三齊紀畧始皇作石橋欲過海看日出處時有神人能驅石下海石去不速神輒鞭之此詩疑合用之禮堂上接武堂下布武南岳記衡山石室有石床石几杜詩老妻畫紙爲棋局按詩意是洞中有仙人之床几棋局也俟考廊廡見贈蒼雪張茂先鷓鴣賦翩翩然有以自樂也一統志黃鵠山在武昌府城內西隅一名黃鶴山西北二里有黃鵠磯又湘水自廣西全州東北流入永州府東安縣南至府城西瀟水入之謂瀟湘按此二句卽江賦包山洞庭巴陵地道之意詳見二十五日詩陳希夷詩來時自有白雲封

縹緲峯

蘇州府志包山諸峯皆秀異縹緲峯最高

茲峯非云高高與衆山別其下多嵌空天風吹不折插

根虛無際縹緲爲險絕

此首分五段每段六句起六句點題○謝靈運詩衆山亦對窗

杜詩嵌空太始雪

天風見石公山

王無功詩插

根掄岩穴

陸魯望縹緲峯詩

因思縹緲稱乃在虛無裏

杜詩縹

緲乘險絕

細徑緣山腰人聲來木末籃輿雜徒步佳處

欣屢歇躋嶺路倍艱往往攬垂葛

此將登峯之事○子山枯樹賦頓山腰而

半折

楚辭攀芙蓉兮木末

晉書陶潛傳素有脚疾

乘籃輿亦足自反

徒步見閬州行

杜詩佳處領其要

儲光義詩

往往攬垂葛灑氣凌沆寥一身若冰雪輕心出天地羽

翮生髣髴杖底撥殘雲了了見吳越

此既登峯之情○灑氣詳補注楚辭

沆寥兮天高而氣清

莊子肌膚若冰雪

輕心見送

何省齋按出天地即遊宇宙之外意

史記留侯世家

羽翮已就

李詩撥雲尋古

道王少伯詩了了見松雪

曜靈燭滄浪滉瀆金光發

陰霞俄已變慘澹元雲結歸筇破曉靄半嶺值虹蜺

音齧

此將下峯之所見○張平子思元賦曜靈忽其西藏

滄浪見礬清湖三國志薛綜傳加以洪流澗澗漢書

禮樂志揚金光橫泰河謝靈運詩陰霞屢興沒百

詩雲容陰慘澹蔡伯喈霖賦瞻元雲之晦晦陳君舉

詩篝燈照歸筇李遐叔詩白日破昏靄唐太宗詩雲

凝愁半嶺晉書王筠傳沈約示筠郊居賦筠讀至雌蜺

連蜺約撫掌欣怵曰僕嘗恐人呼為

竟蓋謂字本八聲恐人呼為平聲也始知清境杳跡共

人鳥滅丹砂定可求苦為妻子奪看君衣上雲飛過松

間月

此既下峯之所思○許霽詩清境不能住柳子厚詩千山鳥飛絕萬徑人蹤滅杜詩丹砂訪葛

洪會子固詩時見厓下雨多

從衣上雲王詩明月松間照

陸雲士曰驚人之句觸緒紛

來今日梅村不減昔時謝眺

林屋洞

洞天福地記第九林屋洞周廻四百里名
佐神幽墟之天在蘇州洞庭湖中蘇州府

志林屋洞一名左神幽虛之天洞有三門同會

一穴內以石門爲隔中有石室銀房金庭玉柱

震澤初未定水石爭相攻神龍排杳冥盪擊沉虛宮仙

人資禹力洞府開洪濛惜哉石函書不救夫差窮大道

既已洩國祚於焉終

此首分四段一段三段皆十句二
段四段皆八句亦段落勻停之法

第一段詠林屋古蹟

○書震澤底定漢書地理志吳縣

具區澤古文以爲震澤

子瞻石鐘山記水石相搏

楚國先賢傳神龍朝發崑崙之墟

史記項羽紀窮冥晝

晦柳子厚鉅鈔鐳潭記盪擊益暴

漢書郊祀志仙人

可見柳子厚詩忽疑眠洞府

皮襲美縹緲峯詩古穴

下徹海視之寒鴻濛

洞庭山記昔闔閭使靈威丈人

尋洞秉燭晝夜而行繼七十日不窮而返

內石几上有

素書三卷持回上于闔閭不識請孔子辨之孔子曰此

夏禹之書並神仙之事言大道也（靈寶要畧）孔子曰

邱問童謡曰吳王出遊觀震湖龍威丈人山隱居北上

包山入靈墟乃入洞庭竊禹書天地大文不可舒此文

長傳百六初若強取出喪國廬耶律晉卿詩綿綿延國

昨 我行訪遺跡興極探虛空絕徑不可肥自視猶枯筇

山神愛偃僕直立憂微躬以之生退怯匍匐羞兒童此遊

時之所見說到不能遊正見洞之奇險○遺跡見遇南

廂園叟（杜詩）向來幽興極虛空見贈願雲師（水經

注危蹊絕徑過懸度之艱蘇詩人瘦尙可肥（朱子詩

更能理枯筇（漢書東都賦注）山靈山神也尙僕見石

公山（子瞻靴銘）直立含風廣殿微躬（傳聞過險澀筇

見西田詩（宋史趙鼎傳）累年退怯

呀不天風松炬厭明滅乳竇驚青紅洪崖應常來牀几

陳從容何不迴真馭日月行其中銀房閼幽異勿使吾

徒同

此遊時之所聞詠其所未遊更見洞之深邃○晉書周馥傳嶠函險澀司馬長卿上林賦谿牙豁

開天風見石公山

三國志滿寵傳折松爲炬灌以麻

油百詩明滅浮殘日

本草綱目石之津氣鍾聚成乳

滴溜成石故名石鍾乳

鮑詩乳竇夜涓滴按驚青紅因

松炬明滅而有此色也

神仙傳衛叔卿歸華山與數

人博曰是洪崖先生王子晉薛容也

牀几見歸雲洞

雲笈七籤真馭之臨獲聞於諄誨

曹孟德樂府日

月之行若出其中

終當齋餼糧鍊骨如飛鴻路穿三江

銀房見題下

底境與諸天通南浮瀟湘水西上峩眉峯歸來詫里人

足比靈威翁

此進一層法與退怯相反欲遊其所未遊也是極寫遊興而靈威句又與起一段相

應○杜詩鍊骨調情性謝靈運詩飛鴻響遠音

史記

正義三江者在蘇州東南三十里一江西南上七十里

至太湖名曰松江古笠澤江一江東南上七十里至白

蜺湖名曰上江亦曰東江一江東北下三百餘里入海

名曰下江亦曰婁江於其分處號曰三江口諸天見
讚佛詩瀟湘見歸雲洞義眉見吳志衍顧瞻泰曰
漢書注洞庭穴道潛行水底無所不通號爲地脈又梁
四公記洞庭山有穴四支一通洞庭湖西岸一通蜀道
青衣浦北岸一通羅浮兩山間大谿一通枯桑島東塔
寰宇記洞庭山有穴五門東通林屋西達峩眉南接羅
浮北連岱嶽史記司馬相如傳
子虛過詫烏有先生玉篇詫誇也

送周子俶

沈歸愚師曰周肇字子俶
江南太倉人著有東岡集

五載寄幽燕歸來問家室入門四壁在小婦當窗織恐
其話饑寒且呼治酒食妻子識君心低頭惟默默嗟余
忝隣里欲語弗遑及聞君又行邁君歸曾幾日瞻此父
母那過若遠鄉客丈夫志四海行矣須努力

此首是送
字正面分

兩段前段八句子椒初從燕來後段八句又將赴燕去也○陳伯玉詩關河緬幽燕問家室見臨江叅軍杜詩八門依舊四壁空漢書元后傳注小婦妾也古詩皎皎當窗牖又女子臨窗織詩惟酒食是議漢書梁鴻傳妻孟光曰今何爲默默無乃欲低頭就之乎詩不遑啟處又行邁靡靡古詩忽如遠行客曹詩丈夫志四海更記外戚傳行矣疆飯勉之古詩努力加餐飯

人生天地間忽如遠行客是達語瞻此父母那過若遠鄉客是苦語各極其妙

其二

努力羸餽糧秋風卽長路京口正用兵倉皇過瓜步扁舟戒行李六月黃河怒脫身萬仞淵此險何足數慷慨輕波濤長年豈知故中道感舊交良爲詩書悞餘生嬰

世網重來獻詞賦登高望烽火躊躇屢迴顧

此進一步寫送字預

想其在路之情前段十句後段六句○漢書刑法志羸

三日之糧注羸謂擔負也曹詩收淚卽長路元和

志建安十三年孫權自吳徙治丹徒號曰京城十六年

遷建業復于此置京口鎮按京口用兵指海寇鄭成功

陷鎮江事袁宇記瓜步在江寧府六合縣東南二十

里東臨大江扁舟行李見磬清湖宋史河渠志黃

河六月名礬山水脫身見又詠古萬仞見哭志衍

蘇詩好民食此險出沒如息鷺宋書吳邁遠傳曹子建

何足數哉慷慨見哭志衍高達夫詩忠信涉波濤

長年見避亂杜詩世人那得知其故史記吳世家季

札使于鄭見子產如舊交杜詩儒冠多悞身南史

鬱林王紀餘生寧足吝耶世網見送何省齋北史李

諤傳其有上書獻賦漢書枚乘傳梁客皆善詞賦

韓詩登高望烽火躊躇見送何省齋迴顧見松嵐

按一統志順治二年張承恩以副將佐守鎮江時疆

宇初平奸宄未靖承恩招撫宿賊又是年胡寇薄金

壇城肆焚掠知縣胡延年星請
大兵至身自臨陣殺賊又十五年寇犯鎮江丹徒知縣賀應旌請兵
駐防而鎮江府志所載兵擾尤多似京口用兵不專
指十六年■鄭成功陷鎮江也然一統志載十六
年海寇陷瓜州鎮江都司羅明昇奮身陷陣以倉皇
過瓜步句徵之仍指十六年事時梅村已南歸矣故
編在遊石公山諸詩以後

其三

迴顧去鄉遠進及長安城禁門十二戟策馬聞雞鳴解
褐初登朝日出趨承明慶雲生堦墀天樂和且平立談
計誠用萬里無專征忘形樂簡易任氣高縱橫常恐斗
酒後脫畧驚公卿一官了婚嫁可以謀歸畊
此再進一步寫送字

預想其八京仕宦之事前後段各八句○鮑詩去鄉三十載又禁門平且開宋史輿服志門戟本爲之而無刃設架而列之謂之棨戟天子官殿門左右各十二應天數也解褐見吳志衍登朝承明見送何省齋漢書禮樂志甘露降慶雲出蘇詩霜葉鳴堦墀白詩似聽天樂耳暫明詩終和且平史記蘇秦傳大王誠聽臣之計按萬里句言兵革皆息也專征見夜宿阜昌杜詩忘形到爾汝史記李將軍傳李將軍極簡易梁元帝與張讚詩序負才任氣縱橫見遇劉雪舫古詩斗酒相娛樂楊子勿報孫會宗書酒後耳熱隋書文學傳贊嘯傲當世脫畧公卿後漢書逸民傳向長字子平建武中男女娶嫁既畢勅斷家事勿相關韋詩可以擘灑漉漢書夏侯勝傳不如歸擘

其四

歸擘東岡陂清流貫羣木月明夜方靜高話溪堂宿破

產求神仙丹砂狗微祿玉書晚應悟至道亡情欲一飯

輒萬錢并日恒不足知交雖云厚詎可先骨肉閱世經

艱難息心謝榮辱平生著述事尙有殘編讀此再進一

預想其歸來之樂後漢書周燮傳君獨何爲守東岡

之陂乎嵇叔夜琴賦臨清流賦新詩羣木見讀西臺

記儲光羲詩高話羲皇年退之有鄆州溪堂詩序

李詩破產不爲家古詩服食求神仙丹砂見縹緲峯

南史陶宏景傳宏景既得神符秘訣以爲神丹可成而

苦無藥物帝給黃金硃砂曾青雄黃等後合飛丹色如

霜雪黃庭內景經思咏玉書入上清莊子至道之

精窈窈冥冥漢書匡衡傳情欲之感無介乎容儀

飯詳送杜于皇晉書何曾傳食日萬錢猶曰無下箸處

禮并日而食書惟日不足知交見贈家侍御古詩

客行雖云樂閱世見贈家侍御息心見西田詩

後漢書荀爽傳以著述爲事殘編見贈家侍御按梅

村太倉十子詩
序以子傲爲首

蕩子失意行贈李雲田

古詩蕩子行不歸鮑詩失
意杯酒間感舊集補傳李

以篤字雲田別號老蕩子湖廣漢陽人有菜根
堂集按曹潔躬送李雲田還漢陽有云瓊瑜舞
席爛明燭飲散往往稀星辰高譚問止接薊澤
大雅自悅傾城人又云從此驅車遍燕趙不妨
佳麗皆橫陳可
想見其爲人矣

君家楚山下門前溪流願識賢與豪不羨公與侯動

足有萬里妻子何能留丈夫重意氣耻爲兒女柔

八句
點出

意字是蕩子之意也○古樂府夾鞞問君家君家誠易
知謝元暉詩雲端楚山見常建詩直到門前溪水流

按賢豪二句卽不願封萬戶侯但願一識韓荆州意
動足句詳送志衍卓文君白頭吟男兒重意氣

曹詩無乃
見女仁

中夜理瑤瑟思婦當高樓鶯花二三月送君

下揚州小孤白浪惡腸斷征帆收長于嬌麗地一顧嘶

騷

此寫南遊之壯○書中夜以興李長古詩羅牀倚
瑤瑟徐孝穆詩思婦高樓上孫逖詩邊地鶯

花少李詩烟花三月下揚州一統志小孤山在安慶

府宿松縣東南一百二十里江流經此湍急如沸儲光

義詩白浪忽如山何仲言詩無由下征帆一統志

長千里在江寧縣南謝元暉詩江南佳麗地驛驕見

贈家侍御菡萏亦已落蘭杜方經秋十月嚴風寒剪燭紉衣

裘太行車輪摧落葉填霜溝君又自茲去匹馬將誰投

趙女顏如花窈窕迴明眸皎皎雙行纏巧笑牽羅幃男

兒重紅粉妾夢輕浮濕此寫北遊之盛○菡萏見遇南

杜 袁淑詩四面各千里縱橫起嚴風 剪燭見遇劉

雪舫楚辭紉秋蘭以爲珮王元長詩客遠乏衣裳 曹

孟德樂府北上太行山車輪爲之摧 李有中詩填溝

木葉乾 古詩故人從此去 杜詩匹馬逐秋風 楊

子幼書婦趙女也盧仝詩美人顏色嬌如花 窈窕見

讚佛詩子建洛神賦明眸善睐 古樂府雙行纏曲新

羅繡行纏足跌如春妍 宋玉神女賦攀余幃而請御

古詩娥娥紅粉粧 金昌緒詩啼時驚妾夢姚合詩

浮漚 今年附書至慰訛猶網繆客囊無長物旅病才

新瘳途窮狗知己進止詎自由狂走三十年布褐空蒙

頭 此段是失意正而○杜詩一男附書至 古詩幸可

廣問訊 張來儀詩客囊空蕙苒晉書王恭傳恭平

生無長物 王介甫詩旅病惜惜如困酒司馬君寔詩

身輕喜病瘳 杜詩窮途愧知己 古詩舉動自專曲

狂走見避亂 王詩布褐將 不如歸去來漁釣滄浪

白頭 朱子詩莫將衲被苦蒙頭

謳大兒誦文史小婦彈箜篌南村沽社酒西舍牽畊牛

此段思歸亦因失意而然○歸去來見送何省齋 漁

釣見礬清湖 大兒見讀史雜詩文史見哭志衍 小

婦見送周子似古詩十五彈箜篌古今注箜篌引朝鮮

子高妻麗玉作也陶詩昔欲居南村鄭守愚詩社酒

向花籊李詩東 人生一蘧廬漂泊如飛鷗得意匪爲

家西舍同時發

樂失路寧關愁居爲段于隱出作盧敖游此段爲慰藉之詞以廣其

意○莊子仁義先王之蘧廬也 漂泊見避亂其二

李詩人生得意須盡歡漢書揚雄傳失路者委溝

塗按二句言得失不足以爲忻戚也左太冲詩吾希

段于木偃息藩魏君 淮南子盧敖游乎北海經乎太

陰入乎 我欲竟此曲君笑登扁舟碧天浩無際極目徒

元闕

悠悠四句點明贈字意○冷朝陽詩碧天無際水空流

沈雲卿詩青雲浩無際王仲宣登樓賦平原遠

而極目兮

丈夫重意氣失路寧關愁是點睛處 按纜與財通
史記孝文紀注索隱曰財字與纜同是也纜又與裁
通漢書高后文功臣表註師古曰裁與纜同是也纜
又與材通漢書杜欽傳註師古曰林與纜同是也此
云旅病才新瘳則纜又與才通晉書
謝混傳才小富貴便豫人家事是也
尤展成三婦艷爲老蕩子李雲田賦二首大婦漢陽
任中婦武昌居小婦家何許窈窕生吳趨蕩子打兩
槳迎送無須與大婦工織錦中婦能檢書小婦
無所爲掃鏡巧粧梳蕩子坐飲酒楚歌而吳歛

吳詩集覽卷三下

五言古詩三之下

丁未三月廿四日從山後過湖宿福源精舍

丁未康熙

六年

按山後蓋繞出包山之後元詩晴候過

湖風

梅村福源寺五言律自注去毛公壇三

里爲攢雲嶺有福源泉寺以泉名

後漢書姜肱傳注精廬卽精舍

千林已暝色一峯猶夕陽拾級身漸高樵徑何微茫回

看斷山口樹杪浮湖光松子向前落道人開石房橘租

養心性取足鬚眉蒼清磬時一聲流水穿深篁我生亦

何幸暫憩支公床客夢入翠微人事良可忘

起六句從山後過湖

中六句正寫福源末四句寫宿字○杜詩夔真傾干林
顏色見遇南廂園叟一峯見讚佛詩夕陽見西田詩
禮拾級聚足連步以上韓性詩朝南暮北樵風徑
陳伯玉詩高邱正微茫世說世目周侯嶷如斷山
王詩樹杪百重泉李文山詩湖光迷翡翠杜詩風落
收松子道人見西田詩薛大拙詩平身入石房述
異記越人歲出橘稅後漢書蔡茂傳計口取足而已
杜詩身長九尺鬚眉蒼岑參詩夜來聞清磬錢仲
文詩重門深綠篁沈慶之詩微生何多幸高僧傳
支遁字道林河內林慮人年二十五始釋形人道李詩
談元乃支公爾雅疏山氣青縹色日翠微凡山遠望
則翠近之則翠漸微人事見西田詩史記信陵君傳
物有不
可忘

起六句狀難言之景如在目前
前他人數十句不能到也

廿五日偕穆苑先孫浣心葉子聞允文游石公山

盤龍石梁寂光歸雲諸勝

德衍集無廿五日子
梅村穆苑先墓誌君諱

雲桂苑先其字也程迓亭曰孫浣心名以敬字

令修按令修詳七古贈穆苑先注及送令修游

正定蘇州府志林屋洞之外又有劔樓雲梯

石板石琴石梁歸雲洞聯雲嶺落照臺蟠龍洞

龍床石

諸勝

大道無端倪真宰有融結茲山在天壤靈異蓄不泄萬

竅凌虛無一柱支毫末疑豈愚公移愁爲巨靈拔劉根

作堂奧柳毅司肩鑰誰啟仙人閭繫我漁父柵刻鏤洪

濛雲雕搜大荒雪

此一段總贊石公諸勝而幸已之得
入各山咏勝槩也大道六句見山爲

扶輿所鍾愚公四句見其爲仙靈所宅仙閭二句是遊
山刻鏤二句是作詩籠起通篇萬竅凌虛無一柱支

毫末寫得靈異出開下兩段○莊子反覆始終不知端倪
真宰見石公山孫興公遊天台山賦融而爲川瀆
結而爲山阜張景陽詩名與天壤俱靈異見讚佛
詩漢書孔光傳其不泄如是莊子作則萬竅怒號司
馬長卿上林賦乘虛無與神俱張承吉詩一柱正乾
坤老子合抱之木生於毫末愚公見松風巨靈見
哭志衍後漢書方術傳劉根者潁川人也神仙傳劉
根字君安長安人也漢孝成帝時爲郎中宋史王霆傳
三輔堂輿也異聞錄唐儀鳳中儒生柳毅下第將還
湖濱見有婦人牧羊於道畔曰妾洞庭龍君小女也欲
以尺素寄托毅如其言訪於洞庭取書進之洞庭君適
廣陵娶于盧氏因話昔事卽是洞庭君之女也後居南
海四十年容狀不衰開元中歸洞庭莊子維恐緘滕肩
鍬之不因也阿閣志山頂西崑爲仙人石閭東崑爲
介邱按漁父柩用楚辭漁父篇鼓柩字漢文帝詔
雕文刻鏤淮南子未有天地鴻濛頽洞李義山詩繡
檀迴枕玉雕鏤山海經大荒或人而疴瘦或馬而蹄齧
之中有山名曰大荒之山

或負藏壑舟或截專車節或象神鼎鑄或類昆吾切地

肺庖丁解月窟工倕伐石圉封饌糧天厨甃涓潔重謙

累甃甃短柱增櫨椳瓜瓢觚稜剖木皮槎枒裂皚皚黃

河水炎炎崑岡蕪嶮呀舞辟邪談砮張饕餮此段咏萬

之靈異也杜北征詩或紅如丹砂或黑如黠漆韓南山

詩連用五十一或字此詩用六或字下亦比物而曲喻

之則總作退之五十一或字讀之可耳○痾僂見石公

山三國志諸葛瑾傳自古至今安有四五人把持刑

柄而不離刺轉相蹄齧者也莊子藏舟于壑藏山于

澤謂之固矣然而夜半有力者負之而走昧者不知也

國語禹致羣神于會稽之山防風氏後至禹殺而戮

之其骨節專車左傳宣三年昔夏之方有德也遠方

圖物貢金九牧鑄鼎象物百物而爲之備使民知神姦

列子西海上多昆吾石冶成鐵作劍切玉如泥蘇

州府志太湖中小山之名嶠者有四其大不及百畝高
不踰二尋當湖水大發時亦不浸沒古稱地肺故嘗浮

於水面也莊子庖丁爲文惠君解牛揚子雲長楊賦
西壓月窟正韻倓黃帝時巧人名又唐虞共工名石

困見石公山天厨見讚佛詩元史祭祀志殊非涓潔
之道爾雅釋山重巖廉注山形如累兩巖巖也山

形狀似之博雅詭缶也又瓶也古史考黃帝始作甌
禮山節藻稅者謂畫梁上短柱爲藻文說文櫨柱上拊

也劉公幹瓜賦素几丹瓢班孟堅西都賦上觚稜而
栖金雀周書王褒傳木皮春厚槎牙見松鼠班叔

皮北征賦涉積雪之皚皚杜詩黃河十月冰書火災
崑岡玉石俱焚司馬相如傳通谷谿兮谿衍後漢書

靈帝紀注鄧州南陽縣北有宗資碑旁兩石獸鑿其膊
一曰天祿一曰辟邪並獸名王文考魯靈光殿賦元

熊研琰以斷斷正字通研研字之訛左傳文十八年緡
雲氏有不才子貪於飲食冒於貨賄天下之民謂之饕

餮

斗起聳雲關一道通箭筈碧藕玲瓏根文螺宛委穴

丹梯躡而上鬱鬱虛皇闕突兀撐青旻插地屏障列一

身生羽翰百尺跨虹蜺斷澗吟楓柟颯爽侵毛髮側窺

漏日影了了澄潭澈鷄聲出烟井乃與人境接廻思頃

所歷過眼纔一瞥

此段咏一柱支毫末之靈異也○史記封神書成山斗入海注謂斗絕曲

入海也李詩却掩青雲關儲光羲詩深林開一道杜

詩箭栝通天有一門韻會苦與栝栝通用拾遺記西

王母來進萬歲冰桃千年碧藕范致能詩甘瓜削玉藕

玲瓏拾遺記漢武侍者進洪梁之酒酌以文螺之卮

孔靈符會稽記會稽山南有宛委山其上有石俗呼石

匱昔禹治洪水厥功未就乃躋於此山發石匱得金簡

玉字以知山河體勢謝元暉詩卽此凌丹梯釋名躡

攝也登其上使攝衣也後漢書光武紀氣佳哉鬱鬱

葱葱然陸魯望詩共是虛皇簡上仙突兀見臨江參

軍杜詩鼓柝視清旻韓詩插地列長屏唐書魏徵傳

帝以所上疏列爲屏障何仲言詩無因生羽翰陳

伯玉詩虹飛百尺橋虹蜺見縹緲峯水經注斷澗爲

城柳子厚遊譙南池序其上多楓柟竹箭杜詩褒公

鄂公毛髮動英姿颯爽來酣戰漢書谷永傳無毛髮之

幸班孟堅東都賦激日影而納光了了見縹緲峯

沈雲卿詩碧水澄潭映遠空張如哉曰杜詩井屋有

烟起陶詩結廬在人境莊子譬之猶一視

也釋文又作瞥劉夢得詩君看瞥眼光陰速秦皇及

漢武好大同蠓蟻齊諧不能志炙輠不能說酈桑二小

儒註書事抄撮陋襲李斯碑闕補周王碣關仝亦妙手

惜未適吳越嵩華雖云高無以鬪巧拙時俗趁姿媚烟

巒漫塗抹妄使僖父輩笑我驕蟻垤京江吸金焦漢水

注大別流峙合而滙奇氣乃一發睥睨五嶽間誰與分

優劣

此段總贊其靈異秦皇八句見其爲書紀所罕關全八句見其爲畫繪所無京江六句又以足前十

六句之意○子山溫湯碑秦皇餘石仍爲雁齒之階漢

武舊陶卽用魚鱗之瓦揚子法言好大者爲之也爾

雅釋蟲蠓蟻注小蟲似蚋而喜亂飛莊子齊諧者志

怪者也史記荀卿傳注輶者車之盛膏器也炙之雖

盡猶有餘留者言淳于髡智不盡如炙輶也北史鄭

道元傳字善長歷覽奇書注水經四十卷唐書藝文志

桑欽水經三卷小儒見哭志衍秦公緒詩注書不向

時流說三國志曹爽傳注桓範嘗抄撮漢書中諸雜事

水經注秦始皇觀禮於魯登于嶧山之上命李斯以

大篆勒銘山嶺集古錄石鼓久在岐陽初不見稱於

前世至唐人始盛稱之而韋應物以爲周文王之鼓至

宣王刻詩韓退之直以爲宣王之鼓在今鳳翔孔子廟

中鼓有十先時散棄于野鄭餘慶始置于廟而亡其一

皇祐四年向傳師求于民間得之十鼓乃足其文可見

者四百六十五磨滅不可識者過半宣和畫譜關仝

一名種長安人畫山水早年師荆浩晚年筆力過浩遠

甚妙手見西田詩

一統志嵩高在河南登封縣太華

在華州華陰縣南

老子大巧若拙韓詩義之俗書

趁妾媚

何大復詩朝來鐘磬隔烟巒嬈嬈記王維爲

岐王書

一大石信筆塗抹自有天然之致晉書左思

傳陸機與弟雲書曰此間有傖父欲作三都賦蘇詩

勿笑一畝園蟻垤齊衡嵩一統志鎮江府大江卽楊

子江也亦名京江金焦見贈蒼雪一統志漢水源出

蟠冢山始出爲漾水東南流爲沔水至漢中東流爲漢

水大別山在漢陽府北江漢合流處法書苑于天地

山川得方圓流峙之形禹貢東匯澤爲彭蠡漢書地理

志注匯迴也蘇子由上韓太尉書頗有奇氣後漢

書仲長統傳睥睨天地之間又曹褒傳優劣殊軌

扶杖一村翁眼看話年月昔逢猶兒童今見已耄耄昨

聞縣帖下搜索到魚驚訝彼白蠹逃無乃青草竭却留

幽境在似爲肥遯設當年縉里季卜居採薇蕨皓首走

漢廷恨未與世絕若隨靈威去此處攬藤葛子房知難

致欲薦且捫舌

此段美山中可以避世乃一篇之警策也扶杖十句言租賦方亟當於此避之

當年八句言物色方殷當於此避之而單舉四皓事寄托遙深淺人未易尋測又相通說下令人不覺并引起

下文遊山來

顧瞻泰旦史記索隱用里先生河內軹

人孔父秘記作祿里蘇州府志用頭卽祿里在洞庭西

山漢角里先生所居史記正義太湖中洞庭山西南中

號祿里卽此此詩因角里與絡里季同隱而連類及

之仍切包山非泛引也○扶杖見送何省齋杜詩歲時

伏臘走村翁南史劉顯傳考校年月一字不差曹

孟德對酒歌耄耄皆得以壽終百詩納租看縣帖杜

詩府帖昨夜下李詩搜索連洞壑梁書魚宏傳水中

魚鱉盡禮季夏之月命漁師伐蛟取鼉三國志諸葛

恪傳注童謡曰白鼉鳴龜背平南郡城中可長生守死

不去義無成青草見避亂李頎詩行人與我翫幽

境易肥遯無不利史記留侯世家上欲廢太子立

戚夫人子留侯曰此難以口舌爭也顧上有不能致者
天下有四人合太子爲書卑辭安車因使辯士固請宜
來及燕置酒太子侍四人從太子年皆八十有餘鬚眉
皓白各言姓名曰東園公角里先生結里季夏黃公上
曰煩公幸卒調護太子卜居楚辭篇名詩言采其薇
言采其薇皓首見送何省齋史記田叔傳漢廷臣無
能出其右者李詩邈爾與世絕靈威見林屋浮生
洞范致能詩三十年來共葛藤詩莫捫朕舌

每連蜷塵界儘空濶謀免妻孥愁計取山水悅入春桃

李過韶景聽啼鳩籃輿累親舊同載有二葉穆生老而

健孫郎才且傑彼忘筋力勞我愛賓朋挈

此序攜友同遊點出穆孫

諸子賈生鵬賦其生兮若浮揚子雲甘泉賦蛟龍連

蜷于東厓兮龍愈經色馨香味觸法爲六塵界張子

壽詩江岫殊空濶梁元帝纂要春景日韶景蘇詩朝

先啼鳩起籃輿見縹緲峯嵇叔夜絕交書時時與親

舊敘離澗

三國志費禕傳亮特命禕同載周書顏之儀傳枚乘二葉俱得游梁此借用漢書楚元王傳常

為穆生設醴此借用白詩假如老健莫誇張

三國志

孫策傳註策時年少士民皆呼為孫郎亦借用杜詩才傑俱登用筋力見送何省齊

唐書

過湖曳輕帆入

白居易傳雖有賓朋無文酒不能娛也

寺憇深樾老僧諧語笑妙理攻麩蘖曉起陳盤餐飽食

非麩糲桑畦路宛宛筍屨行兀兀快意在此游失記遺

七八

此序初入山時

○過湖卽前首從山後過湖也杜詩輕帆好去便入寺卽前首宿福源精舍也韓

麩蘖

曉起見松鼠盤餐見避亂史記聶政傳用爲

夫人麩糲之費韻會小補糲叶力蘖切百詩檢點盤中

餐非精亦非糲檢點身上衣無餘亦無關說文五十

將而來也

注筍者竹筴一名編輿韓詩兀兀狂以狃

吳詩集覽

卷三

下

七

子建與吳質書亦且快
意韓詩外變迷七八

平湖鋪若茵磐石幾人歇踟蹰

當其旁拒戶相支遏黝黑聲旬稜欲進遭噏喝側肩僅

容趾腹背供磨軋下踰蘚磴牢上覷崩崖豁攀躋差毫

釐失足憂一蹶前奇慕先過後險乍脫歌呼雜齟齬

嘻笑視履穢君看長安道高步多蹉跌散誕來江湖蒲

伏羞干謁頭因石丈低腰向山靈折

此敘登陟奇險下
蹠上覷前奇後險

排冪硬語不減退之山谷蓋遊山詩筆力須與山相肖
也用長安道相形倍見曠懷○季詩石門中斷平湖出

白詩草岸斜鋪翡翠茵

宋玉高唐賦磬石險峻

晉

書王長文傳于成都市中踰踞齧胡餅

楊炯渾天賦

俯察千仞之谷而黝黑李頤文鼓旬稜之逸響

杜詩

誰能卽噏喝程迓亭曰

一

石如砥下薄湖潯方廣數十丈或望月或垂釣皆絕勝
名千人石石屋下潔如甃上平若削中容游者數百人
然水滿不能時至磐石以下五句皆形容此石也輿
地記太湖東小山名洞庭其山有三穴西北一穴內堂
屋一間如人工南壁開處側肩得入列子黍豆乃立木
爲塗僅可容足後漢書黃瓊傳腹背相親唐書李宗
閃傳樹黨相磨軋玉篇踞足跟也陸務觀詩薛登高
攀不計程葉韻覲同臚韓詩垠崖劃崩豁岑參詩
山高徒仰止不得日攀躋大戴禮矢之毫釐差之千里
禮君子不失足八人李詩四足無一蹶左傳僖三
十三年入險而脫史記曹參世家亦歌呼與相應和
劉克莊詩序酌逮髻穉更記灌夫傳因嘻笑曰將軍
貴人也皮襲美詩終身無履襪李詩却望長安道
晉書郗詵傳論高步雲衢蹉跌見又詠古陸魯望江
湖散人傳散人者散誕之人也左傳昭十三年懷錦
奉壺飲水以蒲伏焉于謁見送何省齋當塗註低頭
見讀史雜詩石林燕語米芾知無爲軍見立石頗奇卽
命取袍笏拜之每呼曰石丈晉書陶潛傳吾不能爲

五斗米折腰

班孟堅東都賦

四月將已近天時早炎熱

山靈護野注山靈山神也

揮汗何沾濡驚飈俄凜冽歸來北窗枕響入山溜徹不

寐話夜涼連床擁裘褐晚歲艱出門端居意騷屑聞踪

習羈旅逸興貪放達跌蕩馮夷宮游戲天吳窟將毋神

鬼怒亟遣風雨奪勝事滿現前得失歸勇怯衰老偕故

人幸喜茲游決

此遊畢而憇宿山寺因賦夜雨之景觀前首題云宿福源精舍後首題云游石

公歸是夜驟雨則歸來北窗枕是仍歸福源精舍驚飈

乃將雨之景溜響乃初雨之景而神鬼怒風雨奪乃驟

雨之景○班婕妤詩涼飈致炎熱戰國策揮汗成雨

沾濡見礫清湖張平子南都賦足逸驚飈杜詩救汝

寒凜冽晉書陶潛傳五六月北窗下卧惠遠詩響

出山溜滴

孟詩松月生夜涼朱子詩妙語夜連床

晉書郗超傳三軍褻裨者少恐不可以涉冬晚歲見贈家侍御張文昌詩漸覺出門難端居見送何省齋

何仲言詩窮秋聽騷屑史記范雎傳今臣羈旅之臣

也王子安滕王閣序逸興遄飛晉書阮咸傳羣從昆

弟莫不以放達爲行後漢書孔融傳放言跌宕博物

志馮夷華陰潼鄉人也得仙道化爲河伯游戲見讚

佛詩山海經朝陽之谷有神曰天吳是爲水伯其爲獸

也人面八首八足八尾皆青黃陸務觀詩墨翻初若

鬼神怒史記封禪書始皇上太山爲暴風雨所擊

王詩勝事祇自知漢書司馬遷傳勇怯勢也衰老

見贈願雲師序宅年子胥濤百里聞咤咄鱸鮓隨風雷頸鎖金

牛掣鮫人拭床几神女洗環玦碾磕打空灘澎湃濺飛

沫噲咄無射鐘噤噤唳蕤賓鐵孤客爲旁皇嫠婦爲悽咽

那知捩柁下我輩行車轍此一段因風雨而嘆劫灰○吳越春秋子胥伏劍死吳王

棄其軀投之江中子胥因隨流揚波依潮來往激蕩衝岸（易）震驚百里戰國策响藉叱咄則徒隸之人至矣

（詩）鱸鮓發發（張文潛詩）清溪若奔虬八鎖束其頸

幽冥錄（淮水渚）津水極深人見一金牛形甚瑰壯以金

為鎖絆（述異記）南海中有鮫人室水居如魚床几見

歸雲洞（宋玉有神女賦）漢書雋不疑傳（注）師古曰環

玉環也（玦即玉珮之玦也）（王叔師九思）雷霆兮殫磻

劉夢得詩（潮打空城寂寞回）（王叔師九思）雷霆兮殫磻

澎湃（木元虛海賦）飛沫起濤（子瞻石鐘山記）噌吰者

周景王之無射也（廣韻）嘹唳閑遠也（酉陽雜俎）蜀將

軍皇甫直好彈琵琶常造一調乘涼臨水池彈之本黃

鐘也而聲入蕤賓試彈於他處則黃鐘也夜復彈于池

上覺近岸波動有物激水如魚躍及下絃則沒矣直遂

車水竭池索之得鐵一片乃方響蕤賓鐵也（子建洛

神賦）

徒倚旁皇（子瞻赤壁賦）泣孤舟之嫠婦（孟東野

詩）笙管為悽咽（杜詩）振脫開頭捷有神（世說）桓大

司馬問劉真長曰（第一流復是誰）曰正是再拜告石公

我輩耳（漢書）陳平傳門外多長者車轍

相逢慰飢渴既從人間世忍再洪波沒志怪作大言嗜

奇私神物肯學楊焉鑄願受壺公訣縮之入懷袖弄之

置盆鉢栽松龍氣上蓄水雲根活長留文士玩勿被山

君竊

此卽子瞻袖中有東海意筆更奇恣既從人間世忍再洪波沒可謂筆大如椽○人間世莊子篇名

晉詩俛仰觀洪波

晉書祖台之傳撰志怪書行於

世大言見下相懷古

易是興神物以前民用漢書

溝洫志鴻嘉四年楊焉言從河上下患底柱隘可鑄廣

之上從其言使焉鑄之而令水益湍怒爲害甚于故

按壺公事詳龍腹竹歌宋于虛詩壺中訣盡傳班婕

妤詩出入君懷袖蘇詩置之盆盎中日與山海對

王詩種松皆作老龍鱗舊唐書明皇紀望氣者以爲龍

氣周禮地官稻人以豬畜水雲根見石公山漢書

劉向傳蒼自孔子以後綴文之士衆矣史記嘗聞峒

武帝紀泰一皇山山君地長正義曰并神名

嶺峯科斗尊往牒剝蝕存盤螭捫索嗟完缺此山通巴

陵下有神禹札後代文字衰致起龍蛇孽我有琅玕管

上灑湘娥血濯足臨滄浪浩思吟不輟未堪追陽水猶

足誇李渤隱從烟霞閉出供時世閱刻之藏書巖千載

應不滅

此段點出作詩○山海經衡山一名响嶺山韓詩响嶺山尖神禹碑字青石赤形摹奇科斗拳

身薤倒披

爾雅科斗活東注

蝦蟆子疏頭圓大而尾

細古文似之

顏延年褚白馬賦考方載於在牒

老學菴筆記漢隸歲久風雨剝蝕故其字無復鋒鋷曹詩上

有栖鸞下有盤螭

郭景純江賦爰有包山洞庭巴陵

地道注太湖中有包山山下有洞庭穴道潛行通於巴

陵吳地記

包山去縣百三十里下有洞穴潛行水底無

所不通號爲地脉

卽十大洞天之第九林屋洞也神

禹札卽靈威丈人事見林屋洞而上文山君竊亦暗用

其事也。子瞻韓文公廟碑文起八代之衰。後漢書

五行志有龍蛇孽。畫厥貢惟璆琳琅玕百新栽竹詩

馭手弄琅玕。博物志堯之二女舜之二妃曰湘夫人

舜崩二妃啼以涕揮竹竹盡斑。南史明山賓傳聞山

賓談書不輟。唐書宰相世系表趙郡李陽冰將作少

監舒元與玉筋篆志秦丞相斯變蒼頡籀文爲玉筋篆

歷雨漢至隋氏無有出者趙郡李氏子陽冰生開元時

躬入篆室隔一千年而與秦斯相見此直見上天以字

寶瑞吾唐矣。丹鉛錄李陽冰字少溫見宣和書譜。唐

書李渤傳字滄之魏橫野將軍申國公發之喬刻志於

學子瞻石鐘山記笑李渤之陋也。烟霞見讀西臺記

荀子時世不同譽何由生。水經注河北有層山懸

巖之中多石室焉室中若有積卷矣而世士罕有津逮

者因謂之積書巖。古詩三歲字不滅李詩賦詩留巖

屏千載

庶不滅

此詩規撫昌黎可云得其神髓奇傑橫恣筆力能與
題稱矣而其最用意者在當年結里季卜居採薇蕨

八句蓋子房之薦四皓所以調護太子梅村在亡明
官中允諭德固東宮官屬也而先以編修預東宮講
讀之選載在明史及其遭遇本朝以徵辟爲祭酒
故于子房之薦反覆嘆息欲隨靈威以去而不徒因
奏銷縣帖羨此幽境也若泛作遊山詩則又是退之
南山不作可矣以此揆之詩更非昌黎可限韓南
山詩連用五十一或字奇矣王介甫咏碁贈葉致遠
云或撞關以攻或覷眼而摩或羸行伺擊或猛出追
躡垂成忽破壞中道俄連接或外示閒暇伐事先和
熒或冒突超越鼓行令震疊或粗見形勢驅除令遠
蹀或開拓疆境欲并包總攝或僅殘尺寸如黑子着
罈或橫潰解散如尸僵血喋或慚如告亡或喜如獻
捷蓋本韓詩而加之以變化又以垂成二句間之斯
與梅村均爲善學韓者耳隱從烟霞閉藏之名山
也出供時世閱傳之其人也千載不滅想見作者自
命千古處北夢瑣言湘東王筆有三品忠孝全者
用金管書之德行精粹者用銀管書之文章瞻麗者
用斑竹書之我有琅玕管是以文章瞻麗自命而灑

以湘妃之血則有超于文章之外者有筆如此方可
不滅按浙江通志引仙家雜記劉根字君安長安
人隱永嘉飛霞洞又引名勝志以根爲永嘉人而俱
系之於晉時與後漢書不同然范蔚宗葛稚川所載
地已互異豈漢已有
兩劉根皆登仙也

遊石公歸是夜驟雨明晨微霽同諸君天王寺看

牡丹

一統志蘇州府天王寺在洞庭西山桃花塢唐大中元年鑿井得天王像賜額

烟嵐澹方霽沙暖得徐步訪寺苔徑微遠近人語誤道
半逢一泉曲折隨所赴觸石松頂飛其白或如鷺尋源
入杳冥壑絕橋屢渡中有二比丘種桃白雲護花將舞
而笑石則落猶怒澆之以杯酒娟然若廻顧此處疑仙

源快意兼緇素苦辭山地薄縣官責常賦蔬果雖已榮

集作榮非

龍象如欲訴學道與養生得失從時務吾徒筋力

衰萬事俱遲暮太息因歸來鐘聲發清悟

前半篇是未入寺之景後

半篇是既入寺之語

賈閻仙詩烟嵐沒遠村杜詩

沙暖睡鴛鴦嵇叔夜琴賦安軌徐步

姚居雲詩訪寺

臨湖岸劉昶虛詩苦徑入漸微

淵明桃花源記忘路

之遠近

晉書陶潛傳乃賣酒先于半道邀之盧允言

詩百花通一泉

後漢書馬援傳分晰曲折公羊傳

泰山之雲觸石而出膚寸而合陸務觀詩瀚瀚覆松頂

枚叔七登若白鷺之下翔王仲謀詩尋源入雲蘿

晉書夏統傳雲霧杳冥王詩攀崖渡絕壑杜詩曲折

方屢渡郭景純詩中有一道士魏書釋老志桑門爲

息心比丘爲行乞婦人道者曰比丘尼劉夢得詩種

桃道士今何在白雲護見避亂宋延清詩風來花自

舞杜詩溪西五里石奮怒向我落世說阮籍胸中

壘塊故須以酒澆之正顰娟媚也迴顧見松鼠仙

源見避亂其一快意見前首緇素見讚佛詩苦辭

見讚佛詩吏記貨殖傳中山地薄人衆晉公會省吏

議光武併合吏員縣官國邑栽置十一唐書高崇文傳

責賦尤急又食貨志常賦之外進奉不息柳子厚詩

蔬果自遠至龍象見讚佛詩學道見贈願雲師序

養生見壽王鑑明國語民不廢時務筋力見送何

省齋離騷恐美人之遲暮歸來見礬清湖社詩

欲覺聞晨鐘令人發深省北

史王晞傳邢子良愛其清悟

按縣官之說有三史記荀卿傳中國名曰赤縣神州

絳侯世家註索隱曰縣官謂天子也王者官天下故

曰縣官東平王宇傳今暑熱縣官年少梅村詩中如

縣官今日選娥眉是也史記平準書輸粟縣官仰給

縣官漢書東方朔傳上以若曹無益于縣官鹽鐵論

兵不血刃咸爲縣官梅村集中如寧使當時沒縣官

已共田園沒縣官是也周禮地官小司徒四甸爲縣

遂人五鄙爲縣國語三鄉爲縣漢書地理志秦并兼

四海分天下爲郡縣通典縣令皆秦官掌治其縣萬戶以上爲令減萬戶爲長梅村集中如縣官責常賦夜穴紅墻縣

官捕是也

揖山樓

鎮洋縣志樂郊園在東門外半里大學士王錫爵種芍藥處錫爵孫太常寺卿時敏

拓爲園林有藻野堂
揖山樓涼心閣諸勝

名山誰逢迎遇人若俯仰心目無端倪默然與之往幽泉互相答飛鳥入空想傑閣生其間櫺軒爭一爽嘉樹爲我圓坐久惜餘賞暝靄忽而合明月出孤掌彈琴坐其中萬籟避清響良夜此會難佳處莫能獎

此游覽詩也
以清警

爲尚○名山見讚佛詩唐太宗詩含笑待逢迎

其俯仰誦伸心目見西田詩其二

端倪見廿五日禮習

詩李詩碧荷生幽泉袁伯長詩廣寒步空想傑

閣見讚佛詩櫺軒見哭志衍左傳昭二年前有嘉樹

焉杜詩巖排古樹圓王詩坐久落花多蘇詩欲浮大

白追餘賞臆獨見縹緲峯程牧之詩仙掌月明孤

影過王詩獨坐幽篁裏彈琴復長嘯姚伯審詩含

風萬籟響王仲宣詩流波激清響子瞻後赤壁賦如

此良夜何杜詩明年此會

知誰健佳處見縹緲峯

鹽官僧香海問詩於梅村村梅大發以詩謝之二統

志鹽官故城今杭州府海寧縣

治張道濟詩紫萼折村梅

但訪梅花來今見梅花去何必為村翁重尋灌園處種

梅三十年遶屋已千樹飢摘花藥餐倦抱花影睡枯坐

無一言自謂得花意師今遠來游恰與春光遇索我囊

中詩搔首不能對寄語謝故人幽香養衰廢溪頭三尺

水好洗梅魂句

起四句言詩不在遠無事外求也然又非可以不求而得也故必歷三十年之

久千樹之多寢食其中方能有得又非徒騁夸博富濯筆於水既雪盃中耳小中見大可以悟無行不與先博

後約之旨○王介甫詩華髮尋香始見梅村翁見止

五日詩史記商君傳灌園於鄆遠屋見簪清湖蘇

梅花詩江頭千樹春欲暗梁簡文帝詩風吹梅蕊香

羣芳譜鐵脚道人興發則朗誦南華秋水篇嚼梅花滿

口和雪嘖之楊誠齋詩殷勤喚醒梅花睡龍城錄隋

問皇中趙師維遷羅浮一日天寒日暮于松林間酒肆

傍舍見美人淡粧素服出迎師雄與語言極清麗芳香

襲人因與扣酒家門共飲師雄醉寐但覺風寒相襲久

之東方已白起視在大梅花樹下月落參橫惆悵而已

李頎詩終朝無一言莊子得意而忘言詩啜肯

來游唐書李賀傳從小奚奴背古錦囊遇所得書投

囊中搔首見哭志衍奇語見讚佛詩季少卿答蘇

武書幸謝故人蘇詩二月驚梅晚幽香此地無張子
壽詩衰廢時所薄張伯雨詩雪消春水深一尺蘇

詩暗香先
返玉梅魂

直溪吏

劉心蓼太倉州志直塘市去州北三十里水無曲折故民居民市亞于雙鳳程迓亭箋明兵部尚書凌雲翼居直塘至今猶聚族焉

直溪雖鄉村故是尙書里短棹經其門叫聲忽盈耳一
翁被束縛苦辭橐如洗吏指所居堂卽貧誰信爾呼人
好作計緩且受鞭箠穿漏四五間中已無窗几屋梁紀
月日仰視殊自耻昔也三年成今也一朝毀貽我風雨

愁飽汝歌呼喜官逋依舊在府帖重追起旁人共歛歔

感歎良有以東家瓦漸稀西舍墻半圯生涯分應盡遲

速總一理居者今何栖去者將安徙明歲留空村極目

唯流水此首分三段起十句見催租之惡穿漏四五間

人共歛歔以下拆屋供吏而逋租如故是自己嘆息語旁

鄉村唐書柳玭傳東都仁和里裴尚書寬子孫衆盛

縛以刑罰李詩浦沙淨如洗 枉詩遂空所坐堂

南史任昉傳我當為卿作計 唐書竇軌傳至小過亦

鞭箠流血南齊書劉瓛傳瓦屋數間上皆穿漏 黃

史記項羽紀不能仰視詩風雨所漂搖 歌呼見甘

五日遊諸勝戴復古詩官賦私逋都了却 府帖見

遇南廂園叟歛歔見卷清湖 魏文帝與吳質書古

人思秉燭夜遊良有以也杜詩來問爾東家西舍

見贈李雲田生涯見塗松晚發左傳襄二十六年

不有居者古詩去者日以疎空村見贈

吳雪航極目見蕩子行李詩惟見碧流水

直溪吏臨頓兒堇山兒益仿三吏三別而爲之者而

五言兩首氣體較杜爲平易詞采較杜爲華瞻是杜

吳分格處遲速總一理

卽杜詩之遠近理亦齊也

臨頓兒一統志臨頓橋在長洲縣治東

北續圖經臨頓亦吳時館名

臨頓誰家兒生小矜白晳阿爺負官錢棄置何倉卒紿

我適誰家朱門臨廣陌囑儂且好任跳弄無知識獨怪

臨去時摩首如憐惜三年教歌舞萬里離親戚絕伎逢

侯王寵異施恩澤高堂紅氍毹華燈布瑤席授以紫檀

槽吹以白玉笛文錦縫我衣珍珠裝我額瑟瑟珊瑚枝

曲罷恣狼藉我本貧家子邂逅遭拋擲一身被驅使兩

口無消息縱賞千黃金莫救餓死骨歡樂居它鄉骨肉

誠何益此詩當於對面思之蓋寫其兒被寵憶家之苦正是寫阿翁遺錢棄子之痛也起十句初別阿

翁三年以下十二句學爲歌兒末十句悲思骨肉○曹

詩借問誰家子崔顥詩生小不相識左傳昭二十六

年有君子白晳鬢鬚眉古木蘭詩阿耶無大兒拔翁

當作耶增韻俗謂父曰耶杜詩見耶背面啼是也唐書

逆臣傳史思明負官錢無以償魏文帝詩棄置勿重

陳倉卒見讀西臺記史記項羽紀注給欺也杜詩永

知適誰門晉書麴允傳南開朱門北望青樓沈休文

詩秋風吹廣陌百詩好住舊林泉左傳僖九年夷

吾弱不好弄成十六年童子何知焉史記外戚世家

姊去我西時南史徐陵傳寶誌摩其頂秦少游詞見

子無限憐惜司空文明詩黃金用盡教歌舞禮兄
弟親咸稱其慈也東方曼倩答賓戲逢蒙絕伎十弧
矢莊子侯王之佐與後漢書楊賜傳數蒙寵異之恩
詩序蓼蕭廢則恩澤乖矣高堂見送何省齋古樂府
坐客翟璜穉穉楚辭華燈錯夢又瑤席兮玉瑱王仲
初詩黃金捍撥紫檀槽西京雜記秦咸陽宮有玉笛
長二尺三寸二十六孔漢書貨殖傳富者土木被文
錦謝元暉詩舞衣裝未縫江采蘋詩何必珍珠慰寂
寥瑟瑟珊瑚見讚佛詩白詩曲罷常教善才服狼
藉見松鼠杜詩我本良家子邂逅見松鼠白詩洛
下田園久拋擲古焦仲卿妻詩不堪母驅使魏志
送曹公曰非有四目兩口但多智耳此借用消息見臨
江參軍干黃金見遇劉雪舫杜詩那知餓死填溝
壑又路有凍死骨古詩歡樂難具陳骨肉見遇南
廂園